

Chhuah fan : October 1984

RAMTHAR

MAY



2023



DUNGKEKLANGSO PREACHING STATION BIAK IN

He PS hi ni 17.11.2011-a din niin, Member 32 an awm. Ringtu an nih avanga khua tanga an hnawhchhuah takte khaw thar din a ni a. A khaw pumin ringtu an ni. Hei hi an Biak In thar.

Longnit Borjan Pastor Bial, Karbi Anglong Field

SERMON

Rawngbawlna hlen

Phêk

7- 12

KUM 39-NA

MAY 2023

BU 448

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2022 - 2024

Editor	: Rev. Thangzauva	9612950043 (M)
Joint Editors	: Upa Lal̄hahluna Ralte	9862570502 (M)
	Upa Zoramthanga	9436362385 (M)
News Editor	: Pi Ruth Lalhmangaihi	9862306787 (M)
Cir. Manager	: Pu Lallawmnakima Hmar	8794905993 (M)
Publisher	: Rev. R. Lalhmingsanga	9534928171 (M)

[Office hun chhúngin biak ni thei se]

Member-te

Rev. Dr. C. Chawngmingliana	: Synod Moderator
Upa B. Lalhmunliana	: Synod Secretary (Sr.)
Rev. Dr. K. Lallawmzuala	: Executive Secy., i/c Mission
Upa Lalramliana	: BEC Member
Upa H. Zoramthanga	: BEC Member

Thu chhuah t̄ur nei chuan h̄ngahte hian a thawn thei e:

1. Editor/Cir. Manager, Ramthar Chanchinbu, Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8794905993

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lal̄hahluna Ralte	Coordinator

KUM KHAT L̄AK MAN - ₹ 60/-

A CHHŪNGA THU AWMTE

1. Editor thukhawcháng	1
2. Keimahn̄i	2
3. Field Chanchin Thar- Lucknow Mission Field	3-6
4. Sermon	7-12
5. BUH HMUN AṬANGIN:	13-29
(1) Synod Dialogue Team rawngbàwl̄na	
(2) Home Mission South Missionary Intuaitharna	
(3) Kunapara leh rawngbàwl̄na - II	
(4) Bru Beihpui	
(5) Tumpanglui khuaa rawngbàwl̄na	
6. Ramthar Feh	30-32

TAWRHNA HI CHU ÁW



Rev. Thangzauva

Mihringte hi tawrhna khawvêlah kan lo piang a. Kan inanna ber pawh kan tuar tláng hi a ni. Tawrhna chhan tam tak a awm thei. Mi famkim, mi ngil leh ða Joba pawhin a tuar a (Job 1:1). Mi fel famkim Krista thihna aţang chauh lo chuan lungawi thlâk taka tawrhna chhan chhanna a awm thei lo - *‘Mi sual tán mi ða ber a thi sí’*.

Tawrhna hi sual vâng, dàn bawhchhiat vâng, thu âwih loh vânga tawrh a nasa hle; pumpelth theih tam tak a awm: thlan tùr dik thlang lova, thlan loh tùr zâwk thlan vâng a ni. Juda-hote leh Hindu-hoten sual rah sengnaah an ngai - a dikna chen thui tak a awm thei; mahse, a dik vek lo. Khuarèl chhiatna - tui lian, lîrngîng, tlángkàng, thlipui, leimin avàngin thil tisual lo mi tam takin an tuar. Thil tisual lo, naupang tam tak rilţám leh thisen *cancer* tein an thi. Tawrhna hriatthiam loh avânga Pathian awm lo ang hiala ngaih te pawh a awl hle.

Pathianin a Fapa Isua thihna hmang khera chhandamna a siam hi hriatthiam a harsa hle. Kraws-ah a tuar a, entawn tùr min hnutchhiah pawh tawrhna tho a ni (1 Pet 2:21); ‘thing hring maha hetiang an tih chuan a rovah chuan eng ti takin ti ang maw?’ a ti (Lk 23:31). Tawrhna hi thil ða angin lang lo mah se, Pathian min hnaihtirtu a ni cháwk. Tawrh fé hnu chauhva Pathian lam hawi an tam. Kristianna hi a dintu Isua aţanga enin tawrhna sakhua angin lang mah se, ða leh nuam te hi tawrhna aţang chauhva hriat tùr tam tak a awm. Kan tawrh avânga Krista hnêna rorél tùr kan ni (2 Tim 2:12). Taksain tuar ve pha lo mah ila, Krista nun ðawmpuina avânga chán tùr te, tih ve loh tùr te, tawrh hial ngai pawh ni se, thil dik leh ða tih luih tlat a ngaih hun a awm. ‘Kan hrehawmnaah pawh lâwmin i awm ang u’. Ringtu nih vânga tawrh hlâwkna chu - Pathianin min hriatpuia, min awmpui tih kan hriaa, hneh theihna min pe hi a ni (2 Kor 6:10).



KEIMAHNI

† TUARPUINA:

1) Pi Lalsangzuali Sailo (96), ITI Veng, NI. Ramherliani Pachau, Staff Nurse, South Chhimluang (Home Mission North) nu chu ni 23.3.2023 khán Alzheimer vângin a thi.

2) Pi Thangthluaii (81), N.Vanlaiphai Bangla Veng, Pi R. C. Lalbiakkhumi, Evangelist, Pipra (Patna Mission Field) nu chu ni 27.3.2023 khán Chuap pawp vângin a thi.

3) Pi Piangthangi (79), Champhai Hmunhmeltha, NI. Lalroreli, Evangelist, Duttapur (Barak Area) nu chu ni 27.2.2023 khán Stroke vângin a thi.

4) Upa R.K. Liansanga (77), Sihphir, Rev. Lalthanhawla, Field Secretary (Arunachal & Assam Mission Field North) pa chu ni 28.3.2023 khán Kal ̣a lo leh Zunthlum vângin a thi.

5) Upa Lalsangzuala (59), Darlak, Vanlalmalsawmkimi, Evangelist, Sakrin (Arunachal & Assam Mission Field West) pa chu ni 2.04.2023 khán a thi. A nupui Pi Rọthiangi hi Missionary pensioner a ni.

6) Pi Hrangthangi (78), Zawlsei, Rev. B. Lalnunhlua i/c, Tuidam Pastor Bial (Home Mission North) nu chu ni 3.4.2023 khán Cancer vângin a thi.

7) Pi Hrangliani (95), Bilkhawthlir, Pu R. Lalropuia, Office Assistant, Guwahati (Assam Mission Field) nu chu ni 12.4.2023 khán stroke vângin a thi.

8) Pu Ramnghinga Hnamte (68), Chhiahtlang, NI. Zorinpuii Hnamte, Evangelist Teacher, Hamren (Karbi Mission Field) pa chu ni 14.4.2023 khán Heart Attack vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.



FIELD CHANCHIN THAR

LUCKNOW FIELD - FIELD FAN CHANCHIN TAWI

Rev. Dailamthanga

Field Secretary

Mobile No: 8787324957



Ni 15.1.2023 khán Amava, Lucknow East Pastor Bial chhúnga mi tlawh pahin, Pro Pastor Induction neih a ni a. Amava khua hi kan thawktu, Ram Dev, Field Worker awmna a ni a. Fellowship mumal taka kan neihna hmun a ni. Kan Inkhâwmna Biak In hmun hi kan thawktu in chung záwlah a ni a. Inkhâwm pawh kan ðha viau.

Ni 1.2.2023-ah Mohanlalganj-ah puan ðhui zir tùr Interview kan nei a; díltu 12 vêl kan neihah mi 10 kan la fel bawk. Mahse, tân taka zir erawh chu mi pariat an ni ta àwm e. Zir tùra rawn díl, lo kal leh ta lo kan nei zeuh zeuh.

Ni 2.3.2023-ah Garhi, Lucknow Bial ah Puan ðhui zir tùr Interview kan nei a. Mi paliin an dil a, kan la vek a; a bâk lâk tùr an awm chuan lo la chhonzawm tùrin kan ti. Bolakhera, kan Mission Compound awmna hmun kan tlawh nghâl a, hetah hian NI. Vanlalnglaki hi amahin a awm a ni. Biak In kan neihna hmun a ni a, Biak In kawngkhar leh tukverh leh inthiarna kawngkhàrte a mawih chhiat avàngin thlâk tumin, hma an la mék. He mi atán NI. Nghaki chhúngte hian cheng nuaikhat an rawn pe nghe nghe. He thu ka ziah lai hian Biak in rawng te hnawih ðhain, a kawngkhàrte pawh an thlâk tawh bawk. NI. Nghaki chhúngten hetiang tak maia an rawn ngaihvena, an rawn tuam hlâwm hi kan lâwm hle a ni.

Tlai lamah Ramadai Khera-a kan Biak In leh thawktu chènna atána kan tih, mahse, harsatna avànga kan luah luh hman tâk lohvah kan kal a. Bial thawktute an hnatláng a. A tukverhah te an lo luh rûk ðhin avàngin an siam ðha a. Thawktute - Missionary leh Field Workers hovin an hnatláng a, ðawngtâina te kan nei.

Ni 7.2.2023-ah Bhilwal-ah Puan ðhui zir tùr Interview kan nei a. Mi pasarih kan la fel. Bhilwal-ah hian miin min la hre tam lo va; mahse, kan puan ðhui zirna hian min tár lang ve ta zauh zauh niin a lang a, an bawh ðan hle a ni. Bhilwal-ah hian thawktu chhúngkaw li an awm a; kan Pro Pastor hovin building pakhatan an awm hlawm.

Chautra, Lucknow East Bial chhúnga kan Mission hmun atána kan tih mék, quarters sak mékna hmun kan tlawh a. Pu Vanlalhuma Zadengin a enkawl a, kumin chhúng chuan kan zo mai tùrah kan ngai. A hnuai lam hi thawktu chènna atán leh a chung hi inkhâwmna atána ruahman mék a ni. Chautra-ah hian Fellowship kan nei mék a, Bial Inkhâwmpui pawh Chautra-ah hian neih kan tum a ni.

Ni 10.2.2023-ah Targaon, Unnao Bial chhúnga kan Mission hmun tlawh pahin Puan ðhui zir tùr Interview kan nei. Mi 10 kan la a; Unnao Biala thawktu tùr Kraws Sipai pahnih kan la thar bawk. Chawhnu lamah Unnao-ah kan phei a. Pastor Quarters changtlung tak kan neihna hmun a ni a, kan thawktute chènna hmun hrang hrang kan tlawh bawk. Unnao Bialah hian Pastor telin thawktu mi paruk kan nei mék.

Ni 12.2.2023-ah Koilikhera, Lucknow East Bialah kan inkhâwm a. An Fellowship hla ber a ni a; mahse, inkhâwm kan ðha khawp mai. Member-ten ðawngðaisak an beisei nasa hle a, thil tê tham tê nia lang pawh ðawngðaisakna atána thawh an hreh rêng rêng lo. Lehkha thiam theih nán te, English thiam theihna atán te, an ran vulh tán te ðawngðaisakna hi an beisei a ni. An rinna hi mawlmang takin an kalpui a, kan tluk lo lam mah em ni aw tih theih a ni. Tihdam theihna thilpèk neih a châkawm hle a ni.

Ni 18.2.2023-ah Baktourikhera, Lucknow Bialah zànah inkhâwmmin kan kal. He lai hmunah hian kum hmasa lamah khán an ðhenawma Kohhran páwl dangte bengchheng an *report*-na lamah kan Kohhranin kan tuar ta hlauh va; Pathianni inkhâwm an phal loh avàngin a rûk deuhin Inrinni zànah www.mizoramynod.org

inkhâwmna hi kalpui a ni a. Inkhâwm kan ðha phian a; tin, Baktourikhera-ah hian ðhalai eng emaw zât ringtu ni tùra buatsaih mék (*Seeker*) kan nei bawk a ni. Thawktu Pu Vanlalhuma Kawlni hi Music lam tui tak a ni a, a khua a mite chawh phùr pawh thiam tak a ni. Kan thawktu pakhat, Mohit Kumar-a nèn hlâwk takin rawng an báwl mék a ni.

Ni 23.2.2023 khán kan Field-a thawktu rawn awm thar te thlahin Tameri, Etaawah Bial tlawh pahin kan kal a. A hla viau nâ a, Express Highway a ni a, Km 267 chu darkar 2:45 vêlah kan thleng a. Tameri hi Mission Centre kan neihna hmun a ni a, Biak In pawh Nurse Quarters nèn inhne rengin kan nei. A bul lawk hi Emmanuel Hospital Association (EHA)-ten min hlan chhàwn, Centre building ðha tak kan neihna kha a ni. Kuminah hian Craft Centre kalpui leh ni se, tiin ruahmanna siam a ni a. Board-in zirtírtu min pêk avàngin Interview pawh March ni 6 vêlah neiin, Class ðan nghâl a ni bawk.

Ni 25.2.2023-ah Rae Bareili-ah kan kal a, Pastor Quarters kan neihna hmun a ni a. Kan Pastor Quarters hi kan thawktu dangte awmna nèn a inhlat hrih hle. Pastor-in a hla ber aṅgingin a rawn fang chho va, a awmna leh Fellowship hnai ber pawh Km 30 dáwn lai a ni. Bachrawan-ah kan thawktute kan tlawh nghâl a, in nuam tak man tláwm tê têtin an lo luah a, a tihzia hle. He lai hmun hi Craft Centre atána kan tih, mahse, a thawktuin a hna a chawlhlan tâkna kha a ni.

Raebareili District hi kan thawktute leh ringtuten harsatna kan tawhna hmun kha a ni a. Nikum Krismas dáwn khán kan thawktu pakhat Fellowship enkawl laiah khán RSS-ten harsatna min siamsak a. Kan thawktute pawh Police-ten an phût angin ₹ 20,000-in nikum Krismas dáwnah khán kan inkhul chhuak a ni.

January thla tàwp lamah khán he District chhúngah bawh hian kan thawktu a ram mi, Santosh Kumar-a chu Sakhaw danga inleh chungchángah bawh Police-in an lo man a. Ukilte ruaiin, Magistrate (SDM) kut aṅgingin chêng eng emaw zâtin kan in-*bail* chhuak a, tûnah erawh chuan a thubuai (case) a fel vek tawh thung a ni.

Ni 14.3.2023-ah Chandan Khera bula kan Mission ram (30X90), kan lei chu kan va en a. A hmun hi kan leina ten thlai an lo chìn avàngin a seng zawhah hung ni se, kan ti a. He lai hmun hi thawktu chènna hmun atána lei a ni a. Mahse, a bul hnaiah chêng an la tam loh avàngin tûnah mai chuan hma lâk a la buaithlâk deuhvin kan ngai. A ram hi *wheat* an seng vêleh hung tùra hma lâk ni se, kan ti a ni.

Ni 19.3.2023 khán Bhaomao, Lucknow South Bialah kan va inkhâwm a. He lai hmun hi Chandan Khera, kan ram leina ațanga Km 6 vêl a ni a. Pastor Bial fan lai niin, Lalpa Zanriah Sakramen hun kan va hmang a ni. Fellowship member kan neihte hi nuho leh nau-pangho an ni deuh zêl a ni; chutianging, *Seeker* kan neihte pawh.

Ni 24.3.2023 khán Kanpur-a kan thawktu NI. B. Lalhriatpuii kan tlawh a. Kanpur-ah hian hmunhma chu kan nei lo va; mahse, tûn hma ațanging thawktu kan indah ve rengna a ni. Kanpur hi khaw lian tak a nih vângin hma lâk chak a harsa deuh a ni mai thei e. Tin, inkhâwmna hmun tùr hi a hrana kan neih loh avàngin thawktute in luahah kan inkhâwm mai a. Tûna, NI. Hriati in luah lai chung hi inkhâwmna atána an lo hman òthin chu a ni. Thawktu chènna hi inkhâwmna hmun atána kan hman nghâl duh òthin avàngin in luah tùr zawn pawh hian inkhâwm an phalna hmun ngei hi luah hrâm kan tum òthin a ni. Kanpur-ah hian Pi Sangpuii, Lungdai khua, kum 67 mi vêl, a pasalin a thihsan tawh a awm a. Ani hi a ram mi puan òthui zirtirtu atána kan hman òthin a ni a, a țangkai êm êm a. A rawngbàwl na avàngin hian ringtu pawh kan nei thei ve zêl bawk.

Ni 26.3.2023 khán Raebareili biala Biak In kan neihna awm chhun Chhatauni kan tlawh a. Hmunhma neiin, Biak In tê fel deuh kan nei a. Inkhâwm pawh eng emaw zât kan nei bawk. He lai hmun hi Pu David Larindika leh Kraws sipai pakhatin an enkawl lai mék a ni. Hêng lai hnaiah chuan Chhatauni hi pan khâwm theihna hmun laili kan neih chu a ni a. Hemi hmunah hian Bial Inkhâwmpuii pawh neih òthin a ni. A Biak In hi a tê deuh êm a, a chung a hniam bawk si a; theih chu ni se, Biak In lian leh changtlung deuh han sak a châkawm hle a ni.





SERMON RAWNGBÀWLNA HLEN

*“Nang erawh chu engkimah fimkhur la,
hrehawm tuar la, Chanchin Ṭha hriltu lam hna thawk la,
I rawngbàwlna kha hlen rawh,” (2 Tim. 4:5).*

*Rev. H.L. Thianghlina
Director, Synod Campus Ministry
Mobile No: 98622 86723*



Tirhkoh Paula chuan, *“Ka tlânsiakna kawng ka hmabâk hlen tùr leh, Pathian khawngaihna Chanchin Ṭha hriattir tùr, Lalpa Isua hnên aṭanga khami rawngbàwl hna ka hmuh kha thawk zo phawt ila, ka nun pawh thlâkhlelh tlâkah ka ruat lo ve,”* (Tirh 20:24) a ti a. Hetah hian Paulan rawngbàwlna a hmuh dàn, a ngaih pawimawh dàn leh a dah chungnunia kan hmu. Paula rilru hi rawngbàwlna kan hmuh dàn leh, Pathian tána kan ṭhahnemngaihna tithartu atána kan hman a pawimawh hle. Ani chuan Pathianin rawngbàwl hna a pêk a thawh zawh chuan, a nun chu thlakhlelh tlak tawh loh leh tih leh chuan tùr nei tawh lovin a ngai a ni.

Rawngbàwl hna kan hmuh dànin kan inpêkna a keng tel a; kan dah pawimawh dànin kan ṭhahnemngaihna a hril. Tu tán nge ka thawh a, eng ti tùra koh nge ka nih kan chian chuan, inthlahdah a rem lo va, kalpah mai mai a theih hek loh. A kotu leh min koh chhan kan chian chuan kan tih theih tâwk a lian emaw, a tê emaw danglamna a awm lo va, mawhpurhna hlen tùrin

ṭhahnemngaihna a lo piang mai a ni.

Bible páwn lam chu kan pakai lo vang a; Bible chhûngah ngawt pawh rawngbàwlna hlen leh hlen lote chanchin tam tak kan hmu. Rawngbàwlna hlen lote chungathleng leh, a hlente chunganihlawhna tam tak sawi tùr a awm. Rawngbàwlna hlen lo hi mahni chauhin an tuar lo va,

an rawngbàwlsak leh hnain a tuar a, pawl tak a ni. Rawngbàwlna hlentü erawh amah leh mi dangte tán malsàwmna nasa tak a ni thung.

hlawhten a rawng an la báwl reng a nih kha. Mahse, Pathian lamah chuan lal dinhmun a luah zo tawh lo va, paihthlâk a ni daih tawh.

1. Rawngbàwlna hlen

lote: Bible-ah hian rawngbàwlna hlen lo mi eng emaw zât kan hmu a. Chung zínga mi pahnih khat lek chanchin la chhuak ila:

1.1. Lal Saula: Saula kha Pathianin Israel lal atána Pathian thlan a ni. Mi hleitling tak a ni a, Pathianin duh taka lal atána hriak a thih a ni. A chanchina thil lungchhiat-thlâk tak lo thleng chu Amalek-ho that vek tura tih a nih laia, a that ta vek ta lo kha a ni. Pathianin tih tura tuk, a tirhna a tihhlawhtlin loh avangin a lalthutthleng a hum zo lo va, a nunna atán pawh thil pawl tak a thleng ta a nih kha! (I Sam. 15). Pathianin tih tura pêk, a tih loh avanga a chungthu a rel fel hnu khán, hun eng emaw chen chu Saula kha lal a la ni a: Lalthutthlengah a la thu a, lal chaw tui a la ei a, chhiah-

Heta tang mai pawh hian Pathian kohna leh tirhna hlen loh pawizia chiang takin a lang. A lang lama rawngbáwltu hming kan la put reng lai hian, chung lam mitah kan tling lo vang tih hi thil hlauhawm tak a ni. Saula chauh khân a thu áwih lohna kha a tuar lo va, amah leh a mite mai bakah Pathian hming pawh a chhe tel a ni. Rawngbàwlna kan hlen loh hian tuartu an awm a, mahni tán chi tha lo tak kan tuh tihna a lo ni reng mai.

1.2. Thuthlung Thar lama rawngbàwlna hlen lo kan hmuh pakhat chu Talent tehkhin thu-a **Talent khat dawngtu** kha a ni (Mat. 25). Sumdáwng pakhatin a chhiah-hlawh pathumte hnênah an tihpun tûrin talent a pe a. Talent nga leh talent hnih dawngtu khân a lêtin an

tipung a; talent khat dawngtu erawh chuan tihpun ahnêkin a lo thukru a. A pu a lo haw hnu-ah a pung nêna kir tûr a nei lo. Chu mai ni lovin, a pu chu mi ti kher kher, a tuh lohnaah pawh ât thìn a nih thute a la chhâk chhuak ta deuh deuh a. Ama thiam loh-ah a pu a mawhpuh a, chhuanlam ãha lo tak a siam a, a chan chu páwn lam thima paih chhuah leh, ãah leh ha thial a ni. Talent tihpun duh loh hi rawngbàwlina hlen lohna pawî tak a ni. A pu malsâwmna chu a hnên ata lâksak a ni a, thu âwihtu hnêna pêk a ni.

Thu âwih leh âwih lo kar hi zîmtê anga lang, a rah chhuah erawh inkar hlat tak a ni. Malsâwmna pawh hi thu âwihte chanvo a ni a, âwih loh chu ànchhia a ni. Thu âwihte chuan koh an nihna an hlen a, chumi kal tlang chuan malsâwmna tam zâwk an dawng thìn. Thuthlung Hlui zirtîrna laipui ti-a an sawi mai thìn, *‘Deuteronomistic teaching’* an tih chuan, *“Pathian thu âwih chu hamthatna leh vânnèihna a ni a; âwih loh leh* www.mizoramynod.org

a laka hel chu ànchhia a ni,” a ti.

2. Rawngbàwlina hlen-te: Hlen lo tam tak an awm kârah, ãha taka rawngbàwlina hlen sawi tûr an awm. Mi tlém tê la chhuak leh ila:

2.1. Jona: Jona kha Pathianin Ninevi khuua rawngbàwl tûrin a tír a. Pathian kohna tlànchhiatsan a tum avàngin nasa takin a tuar a nih kha! Pathianin a koh tawhna kha sût a tum tlat loh avàngin a kal lo thei lo va, a tih tûr chu a ti hrâm a ni.

Jona khân hmangaihna nèn rawng a bawlin a rinawm loh. A chhan chu Israel fate tána hnam hnawk tak, an hmélma kumhlun an nih avàng a ni. Pathian thinsungah erawh danglamna a awm lo va, an chung a thleng tûr hrilh tûrin Jona kha a tír ta tho a nih kha.

Hmangaihna nêna rawngbàwl hi a bawltu tán a nuam a, a sâwt bawk. Hmangaih lêm loh hnênah

pawh Pathianin ti tùra thù a pèk erawh chuan zawm a ùl. Pathianin a hmangaih miao avàngin keinin hmangaih lo mah ila, Pathian hmangaihna thu hi hrih kan báng tùr a ni lo vang.

Jona khân simna thu a tlângaupui lo va, an tána chhiatna lo thleng tùr chauh a sawi! Chhe tak tak se tih pawh kha a duh dàn a nih hmél zâwk bawk. Mahse, a thu sawi avàng khán an sim ta hlah a, Pathian ngaihdamna an chang ta a ni.

Hreh chung chung a rawngbàwl hna a hlen avàngin mi tam takin an sim a, hremna an pumpel a nih kha. Kan phùr leh phùr loh emaw, kan tui leh tui loh emaw hi tehna pawimawh ber a ni lo va, Pathian min tirhna lamah kan kal em, a duh záwng ka hlen em tih hi a pawimawh ber zâwk a ni.

2.2. Matthaia bung 25 thu-a Talent tehkhin thu-ah khán lét leh ila: Talent nga leh talent hnih dawngtute

www.mizoram synod.org

khân an pu fak an hlawh a. An pu ÷awngkam hi a mawi a, hetiang bâk bâka induhsak lêtna a awm thei kher lo vang. An pahnih chungah an pu chuan, *“Bâwih ÷ha leh rinawm, i ti ÷ha e; tlém te chungah i rinawm a, tam tak chungah ka awmtír ang che; i pu lâwmnaah lût rawh,”* a ti. Thu an âwih rah, an rawngbàwlna an hlen hlawh chu: Tam tak chung a awm leh, an pu lâwmnaa luh a ni. Rawngbáwltu ropui leh hlawhtlingte hi a tirah chuan mi hriat tham mang loh vek an ni a; mi hriat an hlawh hmaa nasa taka mittui leh thlan tui nêna lo ÷ang ÷hìn an ni. Chawimawina kawng hi a khirhin a hautak deuh a nih pawhin, a tirtu lawm hlawh nih hi rawngbàwlnaa pawimawh ber a ni. *“Kraws tel lovin Lallukhum a awm thei lo,”* tiin an sawi ÷hìn a. Mi hlawhtlingte kawng hi kawng nuam a ni vek kher lo.

3 Rawngbàwlna hlen tùra pawimawh te: Football khel tùrin khêlmual-ah a luh ve mai theih a. Lehlam goal-

a khungtùr erawh chuan hriat tùr tam tak a awm. Rawngbàwl na hlen pawimawhzia kan hria a, a hlen dàn tùr kan hriat loh erawh chuan ningnêl deuhin, zo ðha si lovin a tâwpsan theih.

Kan chang inngahna, 2 Tim. 4:5 thu hi tawi têtin ùmzui ila, kan tán a ðangkai ang:

3.1 - Engkima fimkhur:

Mi tam takin kan tlâkchham fo chu fimkhurna hi a ni. Thufing chuan, *“I zuan hmain i tlâkna tùr en rawh,”* a ti a. Rawngbàwl tùra inpêk hi phùr thut thil a ni lo va, kal pah mai mai tùr a ni lo tih hriat reng tùr a ni. Kohna kan chhân pawhin, kan tâwp dàn tùr thlenga fel taka ngaihtuah tùr a ni.

3.1.1. Kotu hriat chian:

Kan fimkhurna tùr pawimawh tak chu min kotu hriat chian hi a ni. Hna bîk thawk tùra koh kan ni a; a kotuin duh taka a kohte kan ni. Min kotu-in a duhtui dàn leh hlen ngei tùra min phûtzia hi hriat reng tùr a ni. Tu dang tána thawk kan ni

www.mizoramynod.org

lo va, thisen chhuak meuha min tlantu aiawh kan nih hi kan vawn reng a ngai.

3.1.2. Vuivaina lakah:

Min kotu leh min koh chhan kan hriat reng loh ni ni-ah, kan chhehvêla thil awm ten min tibuai thuai ðhìn. En tùr dik tak kan en loh chuan thawhpuite lakah te, kan hna chungchángah te, kan thawhna (post) chungchángah te vuina tùr a piang thuai ðhìn. Chu chuan a tìra kan tih duh loh min tihtír a, kan kova tla, kan mawhphurhna lam aiin, a chhehvelah kan phar buai mai mai thei a ni. Vui chungka kan thawh chuan, lâwm taka rawngbàwl a har a, phunchiarna leh inrem lohna a awm mai ðhìn.

3.1.3. Inthlahdahna, dâwngdahna:

Inthlahdahna leh dâwngdahna laka fimkhur hi a pawimawh. Hemi avàng hian mahni mai ni lovin, kan rawngbàwlpuite leh kan rawngbàwlsak tán hnawk nasa tak kan siam thei a. Chanchin ðha hi awhawm lo takah kan chhuah thei a ni.

3.1.4. Thu âwih lohna:

Thu âwihna hi rawngbàwlna hlenna tùra a ki pawimawh berte zínga mi a ni a. Thu âwihna kan tlâkchham hian mahni tán a paw ber a, kan rawngbàwlnain a tuar baw. Min kotu Pathian bâkah, min tirtu kohhran leh hotute thu âwih hi rawngbàwlna hlawhtling kan neihna tùra lei rem min rahtirtu a ni. Thu âwih lohna tluka Pathian paw sawina lian a awm thei lo.

3.1.5. Hrehawm tuar:

Mi tam tak chu kan tuar a zuau lutuk a, kan rawngbàwlna a nung thei òin lo. Rawngbàwltu hlawhtling kan hmuh zawng zawng hi hrehawm tam tak pal tlang tawhte an ni. A fapa tuarna pawh hmu thei khawpa tuarna kal tlanga min chhandamtu Pathian hian ama hming avànga kan tuar hi a phal tih vawn reng tùr a ni.

3.1.6. Chanchin Ṭha hriltu lam hna thawh:

Rawngbàwltu nun leh a chêtvélna zawng zawng hi Chanchin Ṭha hril hna a ni. Sawi aiin thiltih a ring zâwk a, a sawia kan sawi theih lohna hmunah pawh kan nunin a hril thei a nih hi. Chanchin Ṭha thutak aia hamṭhatna te, nihna beh-chhana hlâwkna ûm te, nihna avànga duhsak phût luat tuk te a hlauhawm.

Hêng bâkah pawh hian achhia aṭha sawi tùr tam tak a la awm. Kan sawi kim sêng lo ve! Rawngbàwlna hlentu chu a hlim a, a hna a ṭha a, hlâwkna a têt a, rah tam tak a chhuah òin. Thupuan 2:10-a *“Thih thlengin rinawmin lo awm rawh, tichuan nunna lallukhum ka pe ang che,”* tih pawh hi rawngbàwlna hlen te chanvo a ni.

*“Thawk zêl la, I thawhah
[lâwm rawh,
Thawhrim chu chawlhna
[nuam a ni,”*

Krista pawh khân a tuarsak che u avàngin hetiang ti tùrin koh in ni asin; a hniaka in zuina tùrin entawn tùr a hnutchhiah che u kha (1 Pet 2:21ff). **Kan tih tùra Kristan min hnutchhiah hi kan ti òin em? Kan zui, kan entawn, Krista ang hian tuarna kan hmachhawn ve òin em?**

BUH HMUN AṬANGIN SYNOD DIALOGUE TEAM RAWNGBÀWLNA

Lalhmingmawia

Leader, SDT

Mobile No: 7085750836



Synod Dialogue Team hi Synod Mission Board hnuai a Masihi Sangati Rawngbàwlna péng pakhat a ni a. Vai changkâng leh lehkhathiamhote zínga Chanchin Ṭha Hritlu Team a ni a. Rawngbàwlna pawimawh tak a ni ta zêl mai hi Pathian kaihhruaina vâng liau liau a ni. A hmian hetiang lam hawi rawngbàwlna hi awm ve bawk mah se, Kum 2011 aṭang khán **Vai changkâng Team** vuahin bul ṭan thar tak tak a ni a; kum 2018 October ni 16-ah **Synod Dialogue Team** tiin hming thar phuah a ni ta a ni.

Member-te: Tûnah hian SMB ruat, team member pakua (Pastor pahnih, zirna sang zawka zir leh tûrte nèn mi 11) kan ni a, chûngte chu: Pu Lalhmingmawia (Leader), Pu Lallawmkima Colney, Tv. G. C. Lalremruata, NI. Elizabeth Lalparmawii, Pi Lalramthari, Pu Nobel Kumar Singh, Pu Vanlalchhuana, Pu H. Lalrinmawia, Pi Ramropuii, Rev. Jimmy Malsawmdawngliana leh Rev. James C. Lalremruata te kan ni a. Kan zínga Pastor pahnihte hi rawngbàwlnaa ṭhahnem ngai tak mi ve ve an ni a, an lo tel chhúng hi rei

dáwn lo deuh mah se, kan phùr thar phah hle a ni. Team Member-te hi Aizawl khawpui chhúng veng hrang hrangah kan awm darh a, rawngbàwl-na kan neih dáwnin kan inpan khâwm mai ṭhìn.

Rawngbàwl Dàn Tlángpui: Synod Dialogue Team rawngbàwlna hmun hi Aizawl khawpui huam chhúng a nih deuh ber laiin Mizoram chhúng hmun hrang hrangah sàwmna kan dáwn chuan kan zin kual bawk ṭhìn a. Kan rawngbàwl dàn tlángpui chu hetiang hi a ni.

Thawhṭanni Devotion zawh hian Bank leh Office hrang hranga hnam dang unaute kan zawng chhuak a; an chènna hmun leh biak pawh theihna number te lain, a hnuah kan léng leh ṭhìn a. Tin, Damdawi Ina hnam dang awmte kan zawng chhuak bawk a. An damlohna harsatna denchhen hian Chanchin Ṭha hrilh an awlsam phahin beih an nuam deuh nia kan hriat vàng a ni pakhat a.

Thawhlejni, Ningani leh Zirtawpni-ah te zàn lamah chhuakin lèn kan va dí a. Lèn phal lo ngial ngial leh mi hnartu an awm nual laiin, ṭhenkhat chuan min lo dawngsawng ṭha hle thung a. Kan lèn tumna tam zâwkah kan léng thei a ni. Ṭha taka Pathian thu leh Chanchin Ṭha kan hrilh theih chuan kan lâwm haw ve hle ṭhìn a ni. Mihring tak chuan mi ina lèn va dí ngawt hi hmél hriat loh kárah a nuam lo ve hle ṭhìn a; mahse, kan kal chhan kan Chiang a, hêng harsatna hi chu Chanchin Ṭha avàngin eng mah thamah kan ngai lo www.mizoramynod.org

a ni. Ṭhenkhat chu an tui zâwng sawipui hmasak tê tê a, vawi 2/3 kawm hnuah Chanchin Ṭha sawipui ngam chauh te an ni.

Hêng bâkah hian a remcháng a nih chuan a *group* ang tein thingpui kan inpui a; tin, a hlimawm zâwng in-kawm hona (*function*) siamin, mi pawimawhte kan sáwm khâwm a, Chanchin Ṭha kan hrilh ta ṭhìn a ni. Amaherawh-chu, hetiang hi chuan sum a heh avàng leh *budget* kan neih tlèm êm avàngin tih reng harsa tak a ni. Tin, Masihi Sangati Fellowship ṭhenkhat te leh Bial te hma lâknain Home Crusade, Meet te kan nei ṭhìn a. A cháng chuan Area, Meet, Bial Meet leh Convention (Chhim lam leh Hmar lam)-ah te kan tel ve ṭhìn a. Hetianga kan zawn chawp ngai lova programme awm sa hman hi chu nuam kan ti viau ṭhìn. Vai changkâng zínga rawngbàwlna han luh chilh tâkah chuan Mizorama awm, Officer lian (Top Class Officer) – Governor, D.C., Sipai hotute, etc. te hi

Mizoram chhúnga Chanchin Ṭha hrilh dawng khát berte an niin kan hria.

Kan rawngbàwlInaah hian Hindi ṭawng kan hmang tam ber a; English leh Bengali, Meitei te hmanna a tam viau bawk. Ṭawng chungcháng thuah hian kan induhkhawp lo viau mai.

Hêng bâkah hian Bawngkawn Presbyterian Kohhran Biak Inah Pathianni tlai tin Synod Hindi Service-ah kan inkhâwm ṭhìn a; Kohhran inkhâwm te nèn chuan Pathianni hian vawi 4/5 te kan inkhâwm ṭhìn a ni.

Ringthar neih dàn: Vai/Hnam changkâng zínga ringthar neih a harsatzia min hriatthiampuiin kan ring a. Ṭawngṭaina leh Pathian rinchan tak meuhva hma kan lâkna te Pathianin mal a sàwm a - kumin chhúng hian ringthar mi 10 kan *target* a; Pathian khawngaihna azárah January-March 2023 chhúng khán mi 11 kan nei ta mai a, kan lâwm hle a ni. Kum www.mizoramsynod.org

dangah pawh 4-10 inkár hi chu kan nei ve ziah a ni. Nikum 2022 khán mi 22 lai kan nei bawk. Hêng kan ringthar te hi an telna awm Fellowship te hriattír an niin, annin an lo enkawl zui a, keini pawhin kan tlawh chhuak leh ṭhìn a ni.

Harsatna: Kan rawngbàwlInaah hian harsatna lian tham lutuk kan nei lo nâin, Vai hnam changkângho hi kan sawi tawh angin, a ṭhen chu beih harsa tak an ni. Mi an lo duh lo hlein, mi lo ànkhum tâwk leh kawngka min lo khàr khum hmak hmak an awm ṭhìn a. Hetianga hah taka kan zawn chhuahten min lo tih hi chuan kan rilru a na ve hle ṭhìn. Kristianna leh Chanchin Ṭha sawipui duh lo bur an awm ṭhìn a; chuti chungchuan thil dang hmangin kan kawm tlángnel hrâm hrâm ṭhìn. Ṭhenkhat chuan Mizote hi Tribal kan intih miao avàngin min hmu hniam sa ve bawk ṭhìn a ni.

Tin, member tinte hi Ramthar Board Executive Committee-in min phalsak

angin kan veivahna *petrol* sènso atán thla tin ₹ 1,000/- kan dawng thìn a. Hei hian kan veivahna min phuhrûk zo lo mah se, kan ÷angkaipuiin kan lâwm hle a ni. Kár khatah vawi nga tal rawngbàwla chhuakvâk thìn kan nih avàngin kár khat veivahna bâk a daih lo va, kan vah chhuahna sènso hmun thuma ÷hena hmun hnih chu kan intumchawp a ni. Member, mi rawih nghet tán chuan a ziaawm tho laiin, Contract làwmman tlém zâwk leh lirthei nei lo te tán chuan a hautak duh phian mai. Eng pawh ni se, kan hotuten an la pun chho ve zêl tùrah ngai ila.

Tlángkawmna: Mizoram Presbyterian Kohhran, khaw tin leh véng tina mite hian Synod Dialogue Team rawngbàwlna hi kan la hmélhriat lo viau niin a lang a. Rawngbàwlna pawimawh tak a nih avàngin he rawngbàwlna lama tui mi te chuan min puih thei tùrin kan inhawng reng a ni. Kohhran leh a hnuai *fellowship* péng tinte ÷anpuina leh thawhpuiina kan sáwm baw k a ni. Thawhpui tùra sàwm theih reng kan ni tih kan tár lang duh baw k a ni. Synod Dialogue Team rawngbàwlna hi i hriat chhuah cháng apiangin min lo ÷awngtaipui tùrin chhiartute kan ngèn baw k a che u.

Ram hruaitu, mi zahawm leh pawimawh tak pakhat hi politics thilah dik lo taka a hming tihhliasak a ni a. A rilru a nain, a thin a ur hle mai a. A tinatu ngéng chhun thei ang ber tùr leh na ngêih ngâwiha chhàn lét chu tihmâkmawh niin a ngai a. Tichuan, Sir Eardley Wilmot-a bulah a chung a thil thleng avànga a thinrimzia te sawiin, a rilru puthmang a pawmpui leh pawmpui loh te chu a zâwt a. Sir Eardley Wilmot-a chuan, *“Mihring taka ngaihtuah chuan i rilru puthmang chu a pà hle mai; Pathian rilru a ÷anga ngaihtuah erawh chuan ngaihdam ngei tùr a ni ang,”* a lo ti a. Chu chhàna chuan chu pa chu a hneh hle mai a; mi danglam daih niin, a in lamah a kír leh ta a ni.

“Kei erawh chuan ka hrilh a che u, in hmélmate chu hmangaih ula, a tiduhdahtu che u chu ÷awngtaisak rawh u.” (Mt 5:44)



HOME MISSION SOUTH MISSIONARY INTUAIHARNA

Lalrinliana Colney
Asst. Area Promoter
Mobile No. 8787393303



Hmun khawhara mahni hmél mawina vui liam thak khawpa LALPA tána rammúte thlarau lam malsàwmna thar dawng tura intuaiharna hun hlimawm tak chu ni 24-26 March, 2023 khán Lunglei Chanmari Kohhran Biak Inah kan hmang a. Kan hun hman dante kan sawi hmain Field dinhmun tlángpui lo tár lang ila.

Field Din tan: Baptist Kohhran nèna kan indaidana ramrí sah hawn a nih hnuah chhim lamah hian Presbyterian Kohhran chu kum 1985-ah a ding tan a. Kohhran din a nih tirh hian Ramthar rawngbàwlina a hranpa taka kalpui a ni lo. Kohhran lo ding thar zêlin a hrin chhuah Sikulte hawn thar a ni a. Kum 1988-ah chuan sikul 26 lai hawn niin, Zirtirtu 52 leh Evangelist 8 an awm hman. Thawktu mi 120 chuang zet an lo awm tâkah chuan Pastoral nèna kal tláng chung zêl siin, Ramthar rawngbàwlinaah thawktu bîk awma inenkawl a lo ngai ta a. Ni 16 June, 1988-ah Synod Ramthar Office, Lunglei chu a hranga

hawn a ni phawt a. Ni 17 August, 1991-ah Synod Office hawn a nihin, Ramthar Office hran awm lovin inchhùn fin a ni ta a ni.

Thawktu Dinhmun:

1. PASTORAL:

Minister	- 2
Pastor	- 23
Pro Pastor	- 10
Office staff	- 8
TOTAL	- 43

2. MISSION

Pastor	- 2
Pro Pastor	- 2
Office Staff	- 5
Evan Teacher	- 200
Evangelist	- 35
Medical	- 17
Craft Teacher	- 2

O/A SHMS	- 2
Peon-Cum-Chowkidar	- 1
MS Gospel team	- 8
MS Evangelist	- 19
TOTAL	- 293

3. Sponsored Missionary - 51
GRAND TOTAL - 387

4. Mipa leh hmeichhia thawktu: Contract Missionary (Hmeichhia) - 116; Contract Missionary (Mipa) - 101; Regular (Mipa) - 20; Regular (Hmeichhia) - 22.

Tûnah hian khaw 18-ah sikul kan hawng mék a. High School 2, Middle School 6 leh Primary School 10 kan nei. Tin, Sponsored Sikul 15 kan nei bawk. Tin, khaw 15-ah Medical Centre kan hawng mék a. Longpuigat-ah phei chuan Doctor, Health Worker, Therapist ten an thut chilh. Kohhrante enkawl tùrin khaw 31-ah Evangelist 35 dah an ni. Craft Training Centre hmun hnihah kan nei a, Puan thui zirna kalpui a ni.

KAN INKO KHÂWM:
 Home Mission South hi chu
www.mizoramynod.org

chêt vêlna a hautakin senso pawh a tam bîk thìn a. Mission Field danga chhúngkua zawng zawng an inkoh khâwm theih laiin, keini chu kan senso ngaite Mission Board lamah kan theh lût a; kan mamawh zât min pêk theih loh avàngin, chhúngkaw kim pawhin kan inko khâwm thei lo. Tin, TA/DA pawh inpe thei lovin, kalkawng senso chiah chiah kan inpe thei a ni. Kan hautak lehzualna chu - Chhim lamah chuan Kohhran kan têt avàngin, hmar lam anga Kohhran min thleng zo an awm ve lo a. Joint Mess buatsaih a ni a. Thawktu kan thahnem ve si a. Keini lam hi chu kan hautak deuh a ni.

MIN THLENGTUTE:
 Lunglei Chanmari Kohhran an fakawm hle. Mi 450 vêt ei tùr min buatsaihsakin an buai hle a ni. Chaw vawi nga ei lai, hah sawi miah lova hlim taka min buatsaihsak thei kha a ropui a ni. Inkhâwm pawh thlen kim zàn aţangin kohhran mipui thahnem takin min ţawiàwm nghâl a, an

thinlungah Missionary an ngaih ropuizia a hmuh theih.

THU SAWITUTE: Hun hmasa berah kan Administrative Secretary, Rev. H. Lallianzaran inlawmna thu leh fuihna thu ða tak a sawi a. Inrinni zàn aṭangin Mission Board Secretary, Rev. R. Lalhmingsanga, Mission Field-ah pawh hun rei tak lo thawk tawh chuan Missionary-te harsatna tawh ðin te, fak an phuna te, fuih an ngaihna te hre rengin, **“Thlarau thara rawngbàwl”** tih thupui hmangin thu chah ropui tak a sawi a. Field-a tawngghriat nei ða tak a ni a, thu sawi tùr lah a ngah; kham lo takin hun kan hmang tláng a ni ber mai. Pathianni zànah kan Administrative Secretary, Rev. H. Lallianzaran Mission Field-a a lo thawh tawhnaa a tawnhriat ropui takte sawiin, thuchah ropui tak leh min cho tak a sawi bawk. Thusawitute thu sawi ngaihthlák kan kham lo tak zet a ni.

PAPER ZIR HO: Inrinni niléngin Rev. C. Rosangzuala,

www.mizoramsynod.org

Damdep Pastor-in, ‘**Home Mission South-a Mission hmasâwnna tùr’** tih thupui hmanga *papera* buatsaih kan zir ho va; kan tuipui teh asin! Sawi hona hun pawhin min daih lo lam a ni. Rawngbàwl-na hmabâk kan la ngah êm êm a ni. Chhim lama Chakma khaw 50 chuang awmnaah hmun khatah chauh Sikul kan la din thei te; khaw ðhenkhat, a khaw puma Kristian awmnaa rawngbàwl-na kan la chhunzawm zêl te kan thlir ho va, ngaihtuahna zau tak kan neih phah a ni.

ZAI HO KAN KHAM LO:

Hmun khawhara khawsa, LALPA faka làmna hun remcháng hmu ngai lo, ringthar tlém tē nēna zai tleng tleng ðhin kha Biak In nuam takah, rimawi chikim nèn LALPA faka kan han zai ho mai chu - Zàn tìr aṭangin làmtualin min daih lo a ni ber mai. Inpawl hona lam thlengin, zàn rei tak tak thleng LALPA fakin kan zai a ni. Hetiang hun hi engtikah nge kan neih leh theih ang tih kan hre si lo. Kan kham lo a ni ber mai.



KUNAPARA LEH RAWNGBÀWLNA - II

*Lalbiakzuala, Evangelist
Kunapara, Barak Area
Phone No: 8415953288*



Mission rawngbàwlna thlir dàn tùr: Kristian khua, Kohhran puitlingah chuan thawktu indah a ùl ti lo pawh a awm theih àwm e. Amaherawhchu, Chanchin Ṭha kan hrih ang a, kan enkawl zui bawk a ùl a ni. Ringtu ni tùra zawng chhuaktu tán chuan ringtu puitling ni tùra buatsaih hi thil tih màkmawh a ni tih kan hriat tel a pawimawh hle mai.

He laia kan memberte hi an Kristianna rei tawh viau mah se ngaihthahin an awm rei êm êm a, chu chuan an mi mal rinna kawngah a tiṭhu rei hle a ni. Kohhran dang an ni a, an sawi dàn takin *“a hming chauhva Kristian kan ni ṭhin...”* an ti. Dàn leh hrai an hre lo va; hun hmanpui tùra tlawhtu lah an nei ngai hek lo. Pathian thu leh rinna kawnga inzirtírna te, Kohhran inenkawlna dàn te, ringtu nun inkaihhruaina kawnga zirtírna te chu an tán chuan beisei tùr a awm ngai lo. Chuvàngin, vawiin thleng hian kaihhruai ngai tak an ni.

Vawilekhkata beisei tihsàn nghâl lutuk loh a www.mizoramynod.org

pawimawh hle. Pathian puihnain a tahtawl tê tēin an zia leh zawh tâwk hriatthiam-pui chungin siam ṭhat ngai lai siam ṭhat tumin hma kan la ve mék a ni .

Kan inkhâwmte hi Zoram kohhran anga fel thlap, zahawm taka kalpuite hi a la har rih khawp mai. Chhangchhiat tawh nâk alaia chhangchhe ṭhutna kan la nei hrang ve leh cheute erawhin hlimna min pein a tifamkimtu an va ni êm!

Hêng ramthar zia kan neihna lai tak hi kaihruaitu an mamawhna leh zirtír an ngaihna lai tak, rawngbàwl tinuamtu, ka tán chuan mal-

sàwmna a ni. An bula awm a nuam a, rawngbàwltu leh rawngbàwlina an ngai pawimawhin, an dah ropui hle.

Rawngbàwlina lam: Kan tàr lan tâk ang khán Kunaparaah hian ringlo beih tùr an awm tawh lo va; member hláte hnuh hnaiha, a hnaiate chher hriama hman ùngkai hi kan tum ber a ni a. A khaw ùthenawm, Kalain Pastor Bial huam chhùngah rawngbàwlin kan chhuak ùthin a. Thla tin feh chhuah *programme* siamin Bialtu Pastor hovin thawktuten kan ngai pawimawh hle ùthin. Sakhaw dang vuantute lahin min ùm zuiin kan chanchin an lo mitmei ve reng bawk a, mi kan hriat ai hian min hretu leh ni tin eng nge kan tiha, khawiah nge kan kal tia min sawi thei lah kan nei báng lo.

Kalain-ah hian RSS Office changtlung takin a awm a, School te neiin chak takin hma an la ve bawk a ni. Anni hian enthlatu khaw hrang hrangah an indah ve a; chùng chuan kan rawngbàwlina

www.mizoramynod.org

kawngah harsatna min siam vein, kan bial chhùng ringtharte hnên aṭang pawha a huhova feh chhuah chawlsan rih tùra thurawn kan dawn cháng a awm bawk. Hindu chakna khuaa *home visit* kan neih dawn ùtum hi chuan a tlém thei ang ber kal chhuakin, a ram mite kan hmatheh cháng a awm ta fo.

Amaherawhchu, chutiang khawpa harsa si-ah chuan Lalpa hnathawh kawng hrang hranga kan hmu ve fo erawh kan làwmna a ni ùthin. Nèkchêpa kan awm te, vaukhànnate hian kan thaw a tiipikin kan mittui a ko chhuak hek lo; mahse, Lalpa hnathawh kan temna erawh hi chuan kan mittui a tihul thei lo thung a ni.

Mission rawngbàwlina hi ringtu, Mizote Kristian kan nih phat aṭanga kan kalpui ngàl rawngbàwlina a ni a; chuvàngin, ringtu zingah mission rawngbàwlina sawi phuai deuh emaw kan awm a nih ngat chuan keimahni lam kan inenfiah a ngai hial àwm e.

Chanchin Ṭha hril hnam kan ni a, a la hre ve lote hnêna hril vat vat duhna thinlung chuan mi tam tak rilru leh ngaihtuahna a lem zo a ni. Mi dang vei ve tùr rênga duan kan ni ti ila, kan rilru puthmang aṭangin a sual àwm lo ve.

Tlanna thuhmun nei kan ni a. Kraws-a Isua tawrhna te, boralna laka min tlanna thisen far zawng zawng te kha a tam lam teh ta ila, hêng ringlo mite, hnam hnufualte, rinna kawnga pachhe tê têtê, rethei tê têtê nèn hian a far

zât a inang reng a, a tawrh dàn lah a inang reng a ni. Krista thisen kha hnam tin tána luang chhuak a ni a, a ṭhat dàn a ngai reng a, a tam dàn a ngai reng a, a hlut dàn a ngai reng a ni tih hi kan hriat chuan mission rawngbàwlna hi kan ngai pawimawhin, kan ringtharte hi kan hmangaih lo thei lo a ni.

Kunapara leh Kalain Pastor Bial chhúnga thawk-tute kan rawngbàwlna atán min lo ṭawngṭaipui zêl tùrin Kohhranhote kan ngèn che u a ni.

THLARAU DAMLO TÁNA DAMDAWI ṬHA BER - CHANCHIN ṬHA

John-a, dam lo, chau tak chuan chî-âi tih hriat taka doctor en chung chuan, “Kár khat pawh ka dam ka ring tawh lo à?” a ti chuai raih a.

Doctor chuan, “Chuti maw? John, kei chuan i dam ngei ka ring. Eng pawh ni se, i natna a chhuaka, i ṭha lo zual nia i inhriat chuan damdawi kha i ei dáwn nia. Damdawi ṭha tak a ni a, i ṭhatpui ngei ang. I hlauhthàwn deuh phei chuan vawiinah pawh i ei nghâl dáwn nia. A man ka la lo vang. A thlàwn liau liauvin ka pe ang che,” a ti a.

“Ka pu, naktûkah chuan ka thi tawh ang.”

“Chuti a nih phei chuan engtik aṭangin nge damdawi chu ei ṭan la ṭha ang, John-a?”

“Vawiina ei ṭan nghâl tùrin min duh ngei ka ring.”

“Duh tehrêng mai. I damdawi i thlah ngawt àtthlâkzia i hrechhuak ta hi ka lâwm hle a ni. Tin, Doctor Ropui ber, Lal Isuan i thlarau damlo tána damdawi ṭha ber a thlàwna a pêk che i thlah ta mai àtthlâkzia hi ngaihtuah teh. Chhandamtu damdawi chawh che hi thlah lo hrâm ang che, John-a.”

BRU BEIHPUI

Upa A. Zoramthanga, Evangelist
Kananthar, HM North
Mobile No: 8787887032



BRU BEIHPUI LO CHHUAH DÀN: Bru Beihpui lo chhuah dàn hi ziaka dah thu hriat theih chiah a ni lo va. Amaherawhchu, kan Missionary senior te leh Upa te sawi ka hriat a ni ber. Bru khuaah Kristian leh ringlo an inawm pawlh a. Chûng Kristian ni lo te Kristian an lo niha, Lal Isua an rin ve theih nán ko khâwmin, *programme* an siam a. Hei hi beihpui thlâk lo inñan dàn a ni.

AN HMA LÂK DÀN TLÁNGPUI: Bru beihpui hi Bru zíngah Tirkoh hmasate hian Synod Home Mission hma lâknain Pathian thu an hril ðhìn a. A chángin Ramhuai Hnawh Chhuah Beihpui te an thlâk a, Lal Isua hmingin ramhuaite an hnawt chhuak ðhìn a. A chángin *Manasi* (yachauhmo) - ramhuai hnêna inthâwina tùra intiamna hmanruate la khâwmin an hâl ðhìn. Chutianga ramhuai hnêna thu tiamte chuan an intiamna hlen hma chuan ei leh in – sa, coconut leh a dangah an inserh a, an eiin an in ngam ngai lo. Chûng an intiamnate chu Pathian chakna ringin an sùtsak a;

tichuan, huai takin an ei theih loh te eiin, an in theih lohte an in ta a. Pathian hmingin zalenna an lo chang a; a tàwpah Lal Isua ringin, Kristianah an inpe ðhìn a ni.

SYNOD-IN RUAHMANNANA A SIAM: Bru beihpui hi hriat theih chinah kum 1993 khán mumal taka Budget pawh dah a ni. Chumi sum ruahmannana aṅang chuan Bru khaw hrang hrangah Tirkoh remcháng chángin an zin chhuakin Pathian thu an hril ðhìn. An zíngah Speaker atána an hman ðhìn chu Upa Thawna (Evan) hi a ni. Bru khuaa Presbyterian Kohhran Committee-te chuan Synod-

ah Bru beihpui thlâkna atán sum an dí a; Crusade emaw, Camping emaw buatsaihin beihpui an thlâk ÷hìn.

SYNOD-IN PATHIAN THU HRILHTU PÁWL A DIN:

Bru beihpui chu a kal chho zêl a. Bru hnam tána Chanchin ÷ha puan chhuahna kawng ÷ha ber pawl a ni chho zêl a. Kum tin hian sum pawh Budget-ah dahin, a ÷ùl huna hman atán dah a ni a. Amaherawhchu, kal kuala hrilhtu páwl mumal tak siam a la awm lo. Ni 11.8.1995 khán Bru beihpui hi chak tak leh mumal taka kal theih nán ruahmanin, 'BRU GOSPEL TEAM'siam a ni a.

Bru Gospel Team hmasa berte chu hêng mite hi an ni: Pu F. Lalramchhuana (Leader); Upa Thawna (Speaker); Ni. Diptirung (Member); Pu A. Vanlalhruaia (Member); Pu A. Biakliana (Member).

BRU GOSPEL TEAM AWM KHÂWMNA SIAM A NI:

Bru Gospel Team Member te hi khaw mal Tirkkohte leh www.mizoramynod.org

bial nei Tirkkohte an ni a. Hei vàng hian rawngbàwlna a chak thei lova hriat a ni a; tichuan kum 1996 khán Synod Mission Board chuan hmun khata awm khâwm tùrin ruahmanna a siam a. Damparengpui khua chu station-ah hmangin, member pawh a lâk belh zêl a, Team Member pawh 8 lai an ni ta a. Tichuan, khaw hrang hrangah an zin deuh reng a ni.

SYNOD-IN RUAHMANNANA THAR A SIAM:

Vànduai-thlâk tak maiin kum 1997 khán Bru buai avangin Kohhran pawh kal mumal lovin, hun rei tak a awm a, Tirkkoh pawh nei mumal lovin an awm bawk a. Chutianga khawhar taka an awm (Bru te leh Chakma te pawh an ni ang) lo hui khâwma, Pathian thu hrilh tùrin Mizoram Synod chuan ruahmanna a siam a. Ni 5.5.2001 khán 'Bru/Chakma Gospel Team' dinin, W. Phaileng Dintharah Tirkkohote chu a dah a.

Hêng mite hi Bru/

Chakma Gospel Team hruaitu hmasate an ni: Pu F. Lalram-chuana, Leader; Pu H. Vanlalnunzira, Member; Pu A. Vanlalhruaia, Member; Pu Donokumar, Member; Pu Lalrema, Mem-ber; NI. Diptirung, Member.

Anni hi Bru leh Chakma khaw hrang hrangah te kalin Pathian thu, Lal Isua chanchin an hril ðhìn. Ringlo eng emaw zât chu Lal Isua ringin Kristianah anrawn inpe a ni.

Kum 2009 khán remchàn zâwkna leh rawngbàwlina zau zâwk a kalpui theih nán Bru leh Chakma chu Team hran ve vea dah an ni. Chakma Gospel Team te chu Marpara *station*-ah an awm a; Bru Gospel Team te chu W. Phaileng Dintharah an awm zui zêl a ni.

Kum 2012 khán Mizoram Synod chuan ruahmanna thar siam lehin, Bru Gospel Team chu Team hniha siamin, Team I chu Dinthar W. Phailengah dah zêlin, Team II chu, Mamitah dah an ni. Mamit Team chu kum 2017 khán www.mizoramsynod.org

ðhiah a ni. Team aþanga pension-a chhuak te, a ðhen dah ngheh te leh a ðhen Team I lama dah pheivàngin Team II hi ðhiah nia hriat a ni.

SMB-IN RUAHMANNA THAR A SIAM: Home Mission North leh South-a Gospel Team te tán ruahmanna thar, Synod Ramthar Board chuan a siam a. Team Member-te hmun khata awm khâwm lova, Evangelist-ah daha, a ðul hunah koh khâwma, rawngbàwlina kalpui tùr a tih a ni. Chutiang a lo nih tâkah chuan, W. Phailenga Bru Gospel Team pawh chu ðhiah a ni a, hmun hrang hrangah Team Member te sawn darh an ni.

BRU BEIHPUI RAH: Bru beihpui chu a kal zêlin, Budget head-ah sum te a dah a. Bru Gospel Team rawngbàwlina Pathianin mal a sàwm a, 2001-2018 April thla thleng ringthar 1019an awm a ni. Kohhran pawh a pung a, Branch Church leh Preaching Station aþanga Kohhran puitlinga hlàn kai pawh a pung

a, Kohhran Upa leh Missionary-te pawh an pung a; khaw ÷henkhatah te chuan hlimna leh harhna boruak te pawh a thleng a ni.

BRU BEIHPUI TÀWPIN ANGHAWNGTE: Bru beihpui chu kum tam tak Bru Kristian tán a hluin a ÷angkai hle a. Chutih laiin, Home Mission North leh South-ah, a viltu Bru Gospel team mumal tak a awm tawh loh hnuah kan kohhran mipui te an khua a har a. Tin, beràm inrûsak thâwm te a lo awm ta hial bawk. Kan kohhran mipui eng emaw zâtin

min chhuahsan a ni.

TLÁNG KAWMNA: Bru Kristian ten Bru beihpui leh Bru Gospel Team te hi an hmélhriatin, an chhawr ÷angkai hle. Kohhranhote an beràm vènpuitu atán te, an kohhran member muthlu mék kaih harh nán te an hman ÷angkai a ni. Amaherawhchu, tân hunah hian Bru Gospel Team ÷hiah a lo ni ta si a. Bru Kristiante tán ruahmanna thar - Bru Revival Team te dina, Bru kohhran tiharha, tichak tùrin ngaihtuahna thar sèn ni se a ÷ha khawp ang.

KRISTIAN HLA ROPUI - AW LAL PATHIAN/AW ROPUI BER

He hla ropui tak hi Sweden mi, Rev. Carl Gustav Boberg (1859-1940)-an kum 1886-a a phuah a ni. Sweden ÷awng chuan '**O Store Gud, nar jag den varld beskader**' tih a ni. Wawi khat chu ramhnuai a kal laiin thlipui a lo thawk thut mai a. Khawpui ri dur dur leh ÷ék tla zawr zawr a lo reh chuan Ni êng mawi tak a rawn lang leh a. A hnu lawkah thifim a lo tleh heuh heuh va, sava hrâm mawi tak takin a rawn zui leh a. Chu Pastor chu a ÷hingthi hnaw mai a - lâwm takin Pathian ropui tak chu a hmaa kûnin a chawimawi ta a! Inah hâwngin he hla hi a piang ta a ni.

Kum 1933-ah Sâp missionary, Rev. S.K. Hine-a te nupa chuan he hla hi an thawhna, Ukraine-ah chuan Russia ÷awngin an han zir a. Chanchin Thain a la thlen lohna hmunahte chuan an nupain he hla hi an sa ÷hìn a, ringlote thinlung a khawih êm êm ÷hìn. A hnuah Sâp ÷awngin (*How Great Thou Art*) an letling ta nghe nghe a ni. Kum 1957-a Billy Graham-a Crusade-ah wawi 99 an sa. Kum 1974-ah *Christian Herald*-in mipui ngaihdàn a lâkah America rama Pathian Fakna Hla lâh leh ÷ha berah thlan a ni. Pu Mûka leh Pu Liandâla ten Mizo ÷awngin an let a ni.

TUMPANGLUI KHUAA RAWNGBÀWLNA

*C. Lalnuntluanga, Evangelist
Tumpanglui, HM North
Mobile No: 8415842286*



Tumpanglui khua hi Mamit District, Hachhek tlángdung, Tuidam khua aṅanga tlâk lam Km 9 vêla hla a ni a. Tuidam khua aṅanga khaw lo awm hmasa ber a ni. Tripura kalna kawngpui pal tlang niin, Synod Mission Quarters pawh khaw tawntirha awm a ni.

A mi chêngte hi Bru hnam niin, in 150 vêl a awm a, Mizo tlém an awm bawk. An eizawna ber chu lo neih leh kuhva huan siam a ni a. Khawtláng hian tuikhuah an nei a, sangha te dahin, an sangha man chu khawtlángin an insem ṭhìn.

Tumpanglui hi kum 1972, Mizorama khaw sâwi khâwm zawha din a ni a. Kawrthah sâwi khâwm laia Pu K. Neihkima, Missionary lo ni mék chuan kum 1972-ah chuan a thawh chhunzawm leh a ni. Pu Neihkima chuan naupangte pawh sikul te kalpuiin, lehkha a lo zirtír ṭhìn a. Chumi hun lai chuan Presbyterian Kohhran chauh a la ding a ni.

Kum 1990-ah Kohhran puitlingah hlàn kai a ni a. Pastor Bial erawh chu Kawrthah leh Kawrtethawveng Bialah te a awm ṭhìn. Politics kal sual kan ti dáwn nge, ni 23.10.1997 (Nilaini) zàn aṅangin khua chhuahsanin North Tripura-ah an lo zu chhuk a. Chutah chuan râtlân (refugee)-in an awm ta nghâl a ni. Tumpangluiah aṅanga chhuakve lo, chhúngkaw tlém tê an awm a. Biak In pawh nei tawh lovin, Pathian Biak Inkhâwm pawh hun rei tak an nei thei lo a ni.

Khaw chhúnga paho la awm khâwm chuan, “*Hetiang ringawta awm chu a dik lo ve,*” tiin, Biak In sak chu ṭha an ti a. Hnatláng te kovin,

Biak In chu tê tak tēin an dīn ṭha leh a ni. Kum 2004 kum tàwp lamah Tuidam Branch KṭP te chuan Bible leh Hla bu an neih remchàn ang ang an zu sem a. Chumi lai chuan Kawrtethawveng Bialah awmin, Fellowship an ni a. Chumi hnu rei vak lovah Branch Church-ah hlàn kai a ni leh a. Ni 22 March, 2019 (Zirtawpni) chawhnu dár 2:00-ah Kohhran puitlinga hlàn kai a ni ta a ni.

Tûnah hian Kohhran mite ṭhahnemngaih nain mau râpin sikul an dīn ve râwih a. Kum 2022-ah zirna chu an ṭan a. KG - Class V thleng hawn a ni, naupang 50 chuang hret an ni a. Zirtirtu pahnih rawih an ni a, ṭhahnemngaih a na hle.

Ni 20-25 February, 2023-ah Armed Veng South Kohhran Br. KṭP ten Work Camp-in sikul sak chu bul an ṭan a. Ni 13-17 March, 2023-ah Kohhran Pavalai Pawl ten Work Camp-in an thawh chhonzawm a; pindan pathum awmin an sa a ni. Hna hmabâk laklawh awm chu Kohhran www.mizoramynod.org

miten hnatlángin an chhonzawm ve leh a ni.

Kohhran dinhmun:

Chairman: Upa Zawm-liana; **Vice Chairman:** Upa Vanlallawma; **Secretary:** Upa A. Lalremmawia; **Asst Secretary:** T Upa Khono Chorkhy; **Treasurer (Synod):** Pu C. Lalnuntluanga; **Treasurer (Tualchung):** Upa Lalṭhákima; **Committee member:** T Upa A. Biakmawia

Kohhran In: 35; **Dàn zawhkim:** 90; **Mipa:** 92; **Hmeichhia:** 72; **Kohhran member:** 164

Kohhran inkhâwm hi a hunbi pangngaiyah hmangin, Pathianni chhùn erawh Kohhran Hmeichhe inkhâwm hun atán hman a ni a, KṭP hi Thawhṭanni zànah hman a ni.

Missionary thawk

tawhte: 1) Pu K. Neihkima; 2) Rev. P.C. Pachhunga; 3) Pu Malsawma; 4) Pu Challianmawia; 5) Pi Remsangi; 6) Pu Zorimawia; 7) Pu Lalthantluanga; 8) Pu Saithanga; 9) Pi Zirnuntluangi; 10) Pi

Vanlalmawii; 11) Pu K. Neih-
thanga; 12) Pu Lalrinthara;
13) Pi Lalsangzuali; 14) Pu
Vanlalpeka; 15) Pi Lalchhan-
himi; 16) Pu Lalchhandama;
17) Pu P.C. Lalmuankima; 18)
Pu Daniel MS Dawngliana;
19) Pu C. Lalnuntluanga
(Thawk mék).

Kohhranho pawhin hma a
sâwn ve zêl a. A mi chêngte
khawsak dinhmun harsat
vàng erawh chuan rawng-
bàwlna lamah kan luang
chhuak hlei thei meuh lo.

Tumpanglui Kohhran leh
thawktute min rawn ÷awng-
÷aipui fo tùrin Kohhranhote kan
sáwm tak meuh che u a ni.

Pathian hruaina changin



Tùn hmain
Cornwall (England)
tuipui kam vêlah hian
mi sual rual, lawng
suam hmang an awm
thìn a. Tuipui kam
hmun ÷henkhat chu
lung hmun hlauhawm

leh chhengchhe tak a ni a. Chûng mi sualte
sabengtung lú-ah hian laltín hi an ÷awn bet a,
tuipui kam hmun khawkrawk takahte chuan an
khalh chho thìn a. Lawng miten chu êng an
hmuh chuan, lawng chawlhna hmun nia ngaiin
an rawn pan thìn a. Mahse, an rawn hnaih chuan
lungah te chuan an insawh keh a, an lawng chu
a lo chhe ta thìn a. Chûng suamhmangte chuan
lawnga thil hlu an lâk theih zawng zawngte chu
lain, an suam ta thìn a ni.

Vawiin thleng hian thlarau mi ni àwm taka
lang, mi tam tak chhiatna kawnga hruaitu an
awm. Engtin nge lawng chawlhna hmun dik kan
hriat hran theih ang? **Kohhran êng chhit hi zui
ila; Krista din, a taksa hi enin kal ila, a him.**

RAMTHAR FEH

1.

1. Field hming : Home Mission North
2. Khua : Tuirum
3. Tlawh hun : Ni 6-10 April, 2023
4. Tlawhtu : Saron Kohhran
5. Kal zât : Mipa – 7; Hmeichhia – 8
6. Tlawh chhan : Good Friday & Easter Sunday hmanpui
7. Hnathawh : Biak In zauhna tùr rawra chhut
8. Senso : ₹ 86,245

9. Làwmawm lam: Ramthar Committee dîlna Kohhran Committee-in a phalsak angina ni 9 April (Ningani) zing dár 7:00-ah Pu Lalchhuanmawia a ÷awngtâi zawhin Tuirum pahin Bus-in kan chhuak a. Upa P.H. Rualzakhuma, Ramthar Committee Chairman-in min h ova. Tluang takin tlai dár 3:0 vêlah Tuirum kan thleng a. Tuirum Kohhran Committee ten min lo hmuak a; zanriah min lo buatsaihsak a, kan lâwm hle. Tuirum Kohhran Good Friday & Easter Sunday hmanpuitu hmasa berk an lo ni a, an lâwm thiam hle. Good Friday tûkah Upa Bial pali chhúnga Kohhran chhúngkua te tlawh chhuakin, Good Friday chibai bûk pahin inkhâwm tùrin kan sáwm nghâl a.

Good Friday leh Easter Sunday te tluang takin neih a ni a. Good Friday chawhma inkhâwm bànah thingpui ruai leh chhangban tui tak kan chang ho va. In tinin chhang an chhùm a, KTP-in an la khâwm a, ei tâwk leh lâk awlsam tùrin hnahin an fûn leh vek a, an ti ÷ha khawp mai.

An Biak In zauhna atán Inrinni zing dár 9:30 ațanga tlai dár 3:00 thleng rawra chhú-in kan hnatláng a. Hnatláng a thawk chhuak hi mi 39 lai kan ni a; lung pawh *trip* li lai kan la.

Easter Sunday chawhma inkhâwm bàn hian thingpui ruai, *bakery* chhang leh artui chum an sem thung. Tlaih Kohhran mipuite nèn ruai kan ÷eh ho a ni. Zàn inkhâwm bànah léngkhâwm in kan hun kan khâr a ni.

10. Report tûl dangte: Saron KOhran Ramthar Committee-in kum 2023-a Synod Mission Board Project List aṅangin a hnuaia mi pathumte hi a chháng a:

- Zaité Bial (Barak Area)

Zailian Biak In Compound hungna : ₹ 1,00,000

- Serampore Bial (Calcutta Field)

Dhanrakhali Biak In ceiling leh verandah siamna: ₹ 1,50,000

- Tuidu Bial (Tripura Field)

Gondaek South Biak In chung atán : ₹ 1,00,000

S. Rochama, Ramthar Ziaktu

2.

1. Field hming : Tripura Mission Field
2. Khua : Thailik Twisa
3. Tlawh hun : Ni 6.4.2023 – 10.4.2023
4. Tlawhtu : Dinthar Vengthlang Kohhran
5. Kal zât : Mipa 10; Hmeichhia 19
6. Tlawh chhan : Good Friday & Easter Sunday hmanpui
7. Senso zât : ₹ 1,42,700

8. Làwmawm lam: Ni 6.4.2023 (Ningani) zíng dár 6:50-ah Bus-in Aizawl kan chhuahsan a, tluang takin Thailik Twisa Mission compound chu zàn dár 11:35-ah kan thleng a. Bialtu Pastor leh thawktu chhúngkaw hnih te leh Kohhran member ten min lo dawngsawng a. Zanriahte min lo buatsaihsak a, zan rei hnua thleng ni mah ila, hlim takin min lo làwm a, an chungah kan lâwm hle a ni. Kalkawngah harsatna tâwk lovin, Motor rui òhntè pawh tu mah rui awm lovin kan thleng thei a, Pathian hruaina a taka kan hmuh avàngin kan lâwm leh zual a ni.

Ni 7.4.2023 Good Friday-ah Thailik Pastor Bial chhúng Km 20-a hla TRPC Kohhranah Bialtu Pastor hovin inkhâwmna hlimawm tak kan hmang a; ₹ 3,500 leh thawmhaw kan hlàn www.mizoramynod.org

a. Chawhnu lamah Prosnochowdhary Kohhran Km 20-a hlaah *Bethel* pahin ₹ 5,000 leh thawmhna kan hlàn leh a. Biak Inah ÷awngtai rualna kan neih hnuin Biak In bul Rubber huan hmun rem takah kan Bethel a. Kan Bethel zawhin zanriah min lo buatsaihsak kan ei a, kan haw. Zànah Km 4-a hla Dinobondu Kohhranah kan inkhâwm a, thilpêk tlém leh thawmhna kan hlàn bawk.

Ni 8 (Inrinni) zànah Thailik Twisa, Pastor ÷uthmun kohhranah kan inkhâwm a; ‘ 10,000 leh Khuangpui kan hlàn. Ni 9 (Easter Sunday)-ah hmun hnihah inthenin Kohhran pahnih - Chalitachari leh Mairachari Kohhrante kan tlawh a, thilpêk tlém leh thawmhna kan hlàn. Zànah Station Kohhranah kan inkhâwm leh thung. Kohhranhoten min lo làwm thiam hle a, ei tùr te min lo buatsaihsak a, hlim takin kan chang ho ÷hìn. Bialtu Pastor leh thawktuten kan programme zawng zawngah min ÷àwiàwm a, an chungah kan làwm hle.

Ni 10 (Thawhṭanni) dár 6:30-ah chhuakin, Bus bawkin kan haw a. Pathian hruainain tuang takin, Motor rui buai pawh awm lovin zàn dár 12:45-ah Aizawl kan thleng a; kan kohhran Chairman hovin min lo hmuak a, hlim takin kan awmna kan thleng leh a ni. Pathian hruaina a taka kan hmuh leh kan chanah làwm thu kan sawi báng thei lo a ni.

Lalfakzuali, Ramthar ziaktu

‘Lalpa Isu, ka ring che’ (KHB No. 299), ‘Kan Lalpa thlamuanna (KHB No. 426), ‘Ka nun i tán ka pe’ (KHB No. 449) leh ‘Nunna hi Lalpa ka pe’ (KHB No. 451) tih hlate phuahtu, Frances R. Havergal-i (1836-1879) kha nula hrisel lo tak mai a ni a. Kum 42 mi chauh a nih laiin doctor-in a dam rei tawh dáwn loh thu a hrih a. Havergal-i, “Ka kal dáwn hnai tawh tak tak maw? A va làwmawm tehlu êm!” tiin a lo chháng a ni.

A khum mawngah chuan eng lai pawh a chhiar theih tùrin - **“A Fapa Isua thisenin kan sual zawng zawng min tlenfaisak ÷hìn a ni” (1 Johana 1:7) hi a tár kalh bawk.**

MEMBER THAR 2023

	Field	Hawn Kum	BS/AS/FS/Director	Jan-Mar 2023
I. HOME MISSION				
1	Home Mission North	1949	*Rev. R. Lalhminganga	9
2	Home Mission South	1987	Rev. H. Lallianzara	22
II. NORTH EAST REGION				
1	Arunachal 'E'	1991	Rev. R. Vanlalruata	17
2	Arunachal 'N'	2016	Rev. Lalthanhawla	20
3	Arunachal 'W'	2001	Rev. Malsawmtluanga	37
4	Assam	2008	Rev. Billy Lalrinchhana	14
5	Barak Area	1975	Rev. Lalrintluanga Ngente	29
6	Karbi Anglong	1989	Rev. R. Lal̄hapaia	39
7	Tripura	1986	Rev. H. Lalrinsanga	241
III. CENTRAL REGION				
1	Delhi	1988	Rev. Laltharzuala	43
2	Jharkhand	2008	Rev. C. Lalthanzara	161
3	Calcutta	1988	Rev. J.C. Lalramliana	227
4	Lucknow	1999	Rev. Dallamthanga	4
5	Nepal	2000	Rev. Vanlalhruaia	35
6	Odisha	2016	Rev. Lalrintluanga	15
7	Patna	1999	Rev. K. Vanlalhriata	45
8	Siliguri	1988	Rev. Lalrinfela Pachuau	29
IV. FIELD PUITLING LO, HMA LĀKNA LIAN				
1	Masihi Sangati	1979	Rev. Zochhuanmawia	1511
2	Cambodia	2010	Rev. Benjamin Lalrinmawia	
			BELH KHAWM	2498
<i>*Home Mission North hian botu br̄n̄pa nei lovin, Pistpui hian a enkawl a ni.</i>				

BANK KAL TLANGA RAMTHAR MAN PE DUH TĀN

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

**Bank-a pete chuan an p̄k veh̄h Circulation
 Manager (Mobile No. 8794905993) hn̄n ah hriattir̄ t̄ur
 a ni.**

Postal Regn. No. MZR/46/2021-2023

RNI Regn. No. 40889/88

RAMTHAR HLIMTHLA



**Dumka,
Jharkhand
Mission Field-a
puan thui zirlaite**

**SHMS, S.
Chhimluang
(Home
Mission 'N')-a
thawktute,
zirlai
thenkhatte,
SMB
Pisapua
thawktute
leh Bialtu
Pastor**



If not delivered please return to:

The Manager
Ramthar Chanchinbu
Synod Office, Aizawl, Mizoram
India. Pin-796001

To,

***Published by Rev. R. Lalthmingsanga and Printed at the Synod Press, Aizawl
on behalf of Ramthar Association, Aizawl, Mizoram. Copies - 37,600***